

## Edicion Special Himno y Bandera

### Nos Escudo



**E ESCUDO** di ARUBA ta den uso oficial desde **15di November 1955** ariba cual fecha Parlamento di ARUBA a aproba e escudo den un resolucion insular. Originalmente, e diseño basico di e escudo a wordu crea door di e Atelier voor Heraldische Kunst estableci na Amsterdam, Hulanda. Den un concurso pa escudo organiza pa **Gobierno Insular y anuncia** den corant ariba 27 di Maart 1953, e tayer Hulandes di arte a somete e diseño cual a wordu selecta entre varios otro door di Gobierno Insular. Ariba e diseño aki, sinembargo, Gobierno di Aruba a haci dos cambio cu aprobacion di e Atelier voor Heraldische Kunst pa hacie refleha mas ainda simbolonan inconfundible di ARUBA. E cambionan aki ta den e di prome y di dos cuartel di e escudo. Mientras cu e tayer hulandes a pinta e solo den e prome cuartel, Gobierno Insular a cambie pa un mata di aloë. Den e di dos cuartel originalmente e taller Hulandes a pinta e cero di Yamanota; Gobierno di Aruba a cambia esaki pa e cero di Hooiberg. Bao di e reglanan di e concurso, e diseño di e escudo a bira propiedad di e teritorio Insular di ARUBA, pues e escudo aki ta esun oficial di Aruba su gobierno manera el a wordu aproba door di nos parlamento ariba 15 di November 1955.

**Un escudo di un pueblo ta un simbolo cu ta refleha diferente aspeccionnan tipico di e pueblo.** Nos bunita escudo tambe tin su significacion nan cualnan ta lo siguiente: Den e promer cuartel, e mata di aloë ta simbolo di e prome fuente di bienestar di nos teritorio insular.

Den e di dos cuartel. E cero di Hooiberg como parti di e entidad, ta simboliza e isla di ARUBA, cu ta surgi for di lama. E color berde ta duna, como color di alegria, expresion di e alegria pa e autonomia obteni.

E liñanan ondeante ta e figuracion di nos lama.

Den e di tres cuartel, dunamento di man ta simboliza e lasonan amistoso cu otro nacionnan y pueblonan, tanto den sector politico como tambe economico cu Hulanda y otro islanan di Antillas Neerlandes.


E color cora ta simboliza generosidad, molestia, bolor y laboriosidad ariba cual e lasonan aki ta basa. Den e di cuater cuartel, e rueda te representa e industria como e fuente di bida di mas importante di nos isla.

E cruz ariba henter e escudo ta simboliza devocion y fe.

E leon ariba e escudo ta representa fuerza y generosidad, cual cualidadnan ta ser subraya pa medio di e color.

E ramanan di laurel ta simbolo di paz y amistad.

## NOS BANDERA



**Aproba oficialmente dia 16 di maart 1976 pa e parlamento di nos isla.**

Ariba indicacion di Gobierno Insular di Aruba un **Comision di Bandera** a keda nombra ariba 21 di Januari 1976 y consistiendo di **Srs. Julio Maduro**, jefe de departamento di asuntunan labora; **Wouter van Romondt**, profesor di dibuho na Colegio Arubano; **Ronald Donk** y **Juan E. Wever**, como secretario a cuminsa cu su tarea di organiza un concurso den pueblo pa un diseño di bandera. Un total di 693 diseñonan a wordu manda aden.

Durante e tarea di e comision varios hecho pertinente a resulta. Asina hopi contribuyente, pa mayoria muchanan di school, a desea di mira un strea di 4 punto y esaki pa varios motibo. Tambe un cantidad grandi a opta pa lista o marcanan di color horizontal y/o vertical. E colornan dominante tabata cora, blanco, blauw y geel. E bandera mes no a ser escogi entre e contribucionnan di e concurso pa determina e bandera. E comision a dicide, cu yudanza di un experto americano di e Flag Research Institute na Boston pa entrega nan propio diseño cu ta contene un combinacion di e color, significacion y bolor cu e contribuyentenan kier a dune.

**Ariba 16 di maart 1976 nos parlamento a acepta e diseño aki cual awe ta e bandera oficial di Aruba.**

Dos dia despues ariba 18 di maart e bandera aki a wordu hisa pa di prome vez den un grandioso inauguracion oficial di himno y bandera den **Wilhelmina Stadion**. E color blauw di e bandera ta denota e lama inmenso cu ta rondona un isla o sea e strea di 4 punto cu ta retene e posicion di honor mas cerca di e asta y e parti ariba di e bandera, pa simboliza e posicion di Aruba den e oceano cu ta rondone.

E bandera tambe ta denota cu e isla ta anhela di ta soberano o sea independiente di otronan, pero cu no kier aïsla su mes di esnan cu ta rondone y lo trata di keda liga cu na pa e lama. Esaki ta ser simboliza claramente pa e dos strepinan horizontal den e bandera cu ta denota e posicion libre y aparte di Aruba den e mes lama. Esaki ta ser simboliza claramente pa e dos strepinan horizontal den e bandera cu ta denota e posicion libre y aparte di Aruba den e mes lama, sin distancia su mes di otro isla o paisnan.

E strea di cuater punta ta simboliza e cuater direccion nan di compas, for di cual direccion representantenan di 40 y mas pais a bini Aruba y a forma un comunidad y ta biba armoniosamente cu ta garantiza libertad maximo. Tambe e ta muestra ariba e cuater costanan di e isla unda lama ta forma un barera natural.

E strea su cuater puntonan ta denota e 4 camindanan

maritimo y aereo for di unda ta emana nos economia y for di unda ta bini y ta regresa nos turismo y e demas pilarnan di economia manera comercio y industria.

**E strea cora** cu color blanco ta simboliza e cariño inmenso di cada ciudadano pa cu su isla; ta denota ademá e color di nos industria di antaño di palo di brazil y cochinilla y ta rindi homenage na e sanger Indio drama den **Rooi Frances** pa su libertad.

**E strepi blanco** ta simboliza e santo sin mancha di e playanan extenso cu ta rondona e isla y a la vez e pureza di curazon di e habitantenan cu ta respeta husticia, orden y libertad. Geel ta e color di abundancia. Ta e color apropia pa denota nos industria quimica y petrolera, y di e semper bibo aloë; cu nos comercio y turismo ta forma conhuntamente e fuerte di ingreso di nos pueblo.

**E listanan geel** den posicion horizontal ta demostra e solidez y largo duracion di tal abundancia. Ademá e color geel ta denota e fuentenan di ingreso di antaño manera e industria di oro, di guamo y di aloë.

E ta simboliza tambe nos industria di butishi y di artesanía Indio di siglonan pasa y e industria di sombre. Ademá un cantidad grandi di nos palo y matanan ta florece den e color geel. Quibrahacha, brazil, bonchi di strena, curahao, tuturuto aloë y wanglo.